



Broj: 01-842-2/25
Sarajevo, 05.12.2025. godine

Na osnovu člana 17. Zakona o javnim nabavkama Bosne i Hercegovine („Službeni glasnik BiH“ broj 39/14, 59/22 i 50/24), člana 108. Zakona o odgoju i obrazovanju u osnovnoj i srednjoj školi u Kantonu Sarajevo („Službene novine Kantona Sarajevo“, broj: 27/24), Školski odbor JU OŠ „Grbavica II“ na 43. sjednici održanoj dana 05.12.2025. godine, donosi

ODLUKU
o izmjenama i dopunama Plana javnih nabavki za 2025. godinu

I

Ovom Odlukom utvrđuju se izmjene i dopune Plana javnih nabavki za 2025. godinu kao u prilogu.

II

Ostale odredbe Plana javnih nabavki za 2025. godinu ostaju nepromijenjene.

III

Ova Odluka se prilaže Planu javnih nabavki JU OŠ „Grbavica II“ za 2025. godinu i čini njegov sastavni dio.

IV

Odluka stupa na snagu danom donošenja, a izmjene i dopune plana javnih nabavki bit će objavljene na Portalu javnih nabavki Bosne i Hercegovine (www.ejn.gov.ba) kao i na web stranici škole.

Obrazloženje

JP Elektroprivreda BiH, dostavila je Ugovor o snabdijevanju električnom energijom na potpisivanje za period od 01.01.2026. godine do 31.12.2026. godine. Međutim, Ugovorni organ nije u mogućnosti potpisati ugovor bez provedenog postupka javne nabavke za 2026. godinu. Konkurencijsko vijeće Bosne i Hercegovine je u svojim mišljenjima broj: 01-26-7-20-7-I/16 i broj: 01-26-7-023-16-I/16, oba od 24. januara 2017. godine, zauzelo stav da je tržište električne energije u Bosni i Hercegovini otvoreno za konkurenciju.

Shodno navedenom, za ugovorne organe koji su obveznici primjene Zakona o javnim nabavkama („Službeni glasnik BiH“, broj 39/14, 59/22 i 50/24), proizilazi obaveza da nabavka električne energije više ne može biti izuzeta iz režima javnih nabavki, već se ista mora realizovati u skladu sa odredbama Zakona. Ugovorni organ je u obavezi da provede postupak javne nabavke električne energije (konkurentski zahtjev za dostavu ponuda), te da postupi u skladu sa Zakonom o javnim nabavkama. Pri donošenju odluke o izmjenama i dopunama plana javnih nabavki i odluke o pokretanju postupka javne nabavke električne energije, Ugovorni organ se posebno rukovodio činjenicom da je predložena nabavka neophodna, te da se ne može dozvoliti prekid u snabdijevanju električnom energijom u školi.

Članom 17. stav (1) Zakona o javnim nabavkama BiH („Službeni glasnik BiH“, broj 39/14 i 59/22 i 50/24) predviđeno da ugovorni organ započinje postupak javne nabavke ako je nabavka predviđena u planu nabavki. Izuzetno do stava (1) ovog člana, za nabavke koje nisu predviđene u planu nabavki ugovorni organ donosi posebnu odluku o pokretanju postupka javne nabavke, kojom mijenja plan javnih nabavki.

S obzirom da još uvijek nije donesen Plan nabavki za 2026. godinu, a uzimajući u obzir hitnost i važnost provođenja predmetnog postupka, Ugovorni organ je prinuđen donijeti posebnu odluku o pokretanju postupka javne nabavke u skladu sa članom 17. stav (3) i (4) Zakona o javnim nabavkama BiH.

U svrhu realizacije škole plivanja, a u skladu sa Pravilnikom o realizaciji škole u prirodi, izleta, studijskih posjeta, ekskurzija, kampovanja/logorovanja, društveno-korisnog učenja i drugih oblika odgojno-obrazovnog rada u osnovnoj i srednjoj školi („Službene novine Kantona Sarajevo“, br.34/24 i 31/25), škola će pokrenuti postupak javne nabavke putem direktnog sporazuma. U skladu sa Članom 14a. Zakona o javnim nabavkama BiH, škola je izvršila prethodnu provjeru tržišta. Sredstva za realizaciju nabavke će biti obezbijedena iz budžeta Ministarstva za odgoj i obrazovanje Kantona Sarajevo.

Na osnovu naprijed navedenog donosi se odluka kao u dispozitivu.

Predsjednik Školskog odbora

Mujezinović Nusret

PRILOG: - Izmjene i dopune Plana javnih nabavke za 2025. godinu

Dostaviti:

- Komisija za javne nabavke;
- Računovodstvo;
- Web stranica škole;
- a/a



IZMJENE I DOPUNE PLANA JAVNIH NABAVKI JU OŠ „GRBAVICA II“
ZA 2025. GODINU

U dijelu V ROBE vrši se dopuna stavke kako slijedi:

R. B	PREDMET NABAVKE	CPV KOD	PODJELE NA LOTOVE	PREDVIĐA SE	PROCIJENJENA VRIJEDNOST (Bez PDV-a) KM	PERIOD TRAJANJA UGOVORA/OKVIRNOG SPORAZUMA	VRSTA POSTUPKA	OKVIRNI DATUM POKRETNOSTI POSTUPKA	IZVOR FINANSIRANJA	NAPOMENE
34.	Električna energija za 2026. godinu	09310 000-5	Ne	Okvirni sporazum/ugovor	14.027,58 KM	12 mjeseci	Konkurentski zahtjev za dostavu ponuda	01.12.2025.	Budžet	

U dijelu V USLUGE vrši se izmjena postojeće stavke kako slijedi:

R. B	PREDMET NABAVKE	CPV KOD	PODJELE NA LOTOVE	PREDVIĐA SE	PROCIJENJENA VRIJEDNOST (Bez PDV-a) KM	PERIOD TRAJANJA UGOVORA/OKVIRNOG SPORAZUMA	VRSTA POSTUPKA	OKVIRNI DATUM POKRETNOSTI POSTUPKA	IZVOR FINANSIRANJA	NAPOMENE
25.	Usluga prevoza učenika za školu plivanja	6010000 0-9	Ne	Račun/faktura	2.350,00 KM	///	Direktni sporazum	01.12.2025.	Ministarstvo za odgoj i obrazovanje Kantona Sarajevo	

Predsjednik Školskog odbora

Mujezinović Nusret

Dostaviti:

- Komisija za javne nabavke;
- Računovodstvo;
- Web stranica škole;
- a/a